

Mazarin
2915

Les propositions de messieurs le princes...

UNIVERSITY OF N.C. AT CHAPEL HILL



00023007130

RARE BOOK
COLLECTION



THE LIBRARY OF THE
UNIVERSITY OF
NORTH CAROLINA
AT
CHAPEL HILL
Mazarin
2915

652
2915
LES
PROPOSITIONS
DE MESSIEURS LES
PRINCES,
FAITES A MESSIEURS
D V
PARLEMENT,
POVR LE SOVLAGEMENT
du peuple.



A PARIS,
Chez IEAN POTET, en la Montagne faincte
Geneuiève, au trois Estoilles.


M. DC. LII.

LES
PROPOSITIONS
DE MESSIEURS LES
PRINCES
FAITES A MESSIEURS
D'AV
PARLEMENT
POUR LE SOULAGEMENT
du peuple



A PARIS
Chez JEAN POTET, en la boutique
Général, au neu. E. n. l. l. l.
M. DC. LII

LES PROPOSITIONS DE MESSIEURS
les Princes, faites à Messieurs du Parlement pour le
soulagement du Peuple.

 RANCE ne soupirez plus, vostre Ennemy s'est re-
tiré, Paris ne murmure plus contre cet Auguste &
venerable Parlement, il a chassé loin de vos Campa-
gnes la tyrannie, & l'infidelité pour y faire renaistre la
douceur, le calme, & la Iustice.

Helas / vous n'auiez que trop long - temps souffert A V-
GVSTE COMPAGNIE, Cette indomptable furie, ce ma-
licieux venin, qui se glissoit insensiblement dans vostre corps
pouren destruire plus facilement les parties : mais à ce coup
vostre autorité, & vos Arrests, ont si viuement sappé les fon-
demens de sa fortune, que sa ruine estant inevitable, il ne se
promet de vostre Iustice qu'une exemplaire punition, que sa
conscience tousiours criminelle parce que tousiours coupable,
luy met deuant les yeux, & si profondement dans la fantaisie
qu'il croit perpetuellement auoir à ses costez vn bourreau,
comme tesmoin, & accusateur de ses infidelitez.

Paris n'en doutes point, pour conseruer vne France, il a
fallu bannir cette race de Sicille.

Pour maintenir la vertu, il estoit nécessaire que le vice fut
exilé, pour entretenir la paix dans le Royaume, l'on a deü en
chasser les sedicieux comme premiers Moteurs d'une sanglante
querelle, qui eust en fin acheué le funeste Tableau de la France
languissante, & l'eust reduitte aux dernières extremités de la
mort.

Mais ce n'estoit pas assez, AVGVSTE, ET VENERABLE
COMPAGNIE, si apres auoir fait cesser la violence d'un Ty-
ran, aussi cruel pour les innocents qu'il faisoit mourir, que
mauuais Ministre pour le Gouvernement de nos Finances qu'il
a si subitement metamorphosé, vous n'eussiez aussi tost par des
consultations tres aduantageuses à l'Estat delibéré sur la deli-
urance des deux Princes du Sang, & d'un Gouverneur de Nor-

mandie, en nous rendant, ce que Paris & toutes les Prouinces de France n'ont cessé de souhaiter dans l'attente de ce fortuné retour; où nous auons veu paroistre de si esclatantes lumieres, comme si leur absence eust esté la cause de quelque orageuse nuit, & leur presence, du plus beau iour, qui parut iamais dans vne Maiesté toute extraordinaire.

Qu'estes-vous donc grands boute-feux de l'Estat: Entretien-drez-vous tousiours le Beau, & specieux nom de valeur? Ne changerez-vous point d'humeur apres de si funestes nouuelles pour vostre condition? Ne songez-vous point que la Cour par ses Arrests, vous condamne à vn bannissement perpetuel, que nos Princes ont quitté la prison pour vous exterminer, que toute la Noblesse a fait vn Corps tres-considerable pour esteindre vos embrassemens, qui menassoient de consommer & reduire en cendre cette belle Monarchie.

C'en est fait, il n'y a plus moyen de voltiger comme vn autre Icare sur l'Ocean tranquille de la France, ou paroistre avec le Bonnet Rouge, & se faire Cardinal sans merite, saccageant toutes les Prouinces par des rapines & des larcins insupportables.

Il n'y a plus moyen de faire la guerre à la liberté, pour ietter en seruitude ceux là mesme que l'extraction d'une illustre Noblesse pouuoit non pas rendre criminels, & coupables de lacheté, mais dignes d'estre éternellement immortalisez, dignes d'auoir des Autels, où l'on peut sacrifier à leurs Majestez, comme par des tesmoignages d'une vertueuse & charitable fidelité.

O que de plaisirs, que d'allegresses auez-vous conceu, Paris, dans la nouuelle de cette belle renaissance, de quelles visites? de quels respects? de quels tesmoignages d'obeyssance n'auiez-vous honoré ce fortuné retour, combien de cris, combien d'acclamations, en assurance, & de vostre courage pour les maintenir, & de vos bien-veillances pour les aymer, & de vostre fidelité pour estre continuellement addonnez au seruice d'une si belle, & fleurissante Noblesse?

Il est vray, France, vous ne pouuiez pas viure plus long-téps dans la priuation d'un si beau iour, & ces trois Soleils, qui s'estoient si subitement esclipez de vos yeux par vne fatalité trop funeste sembloient aussi tost vous menacer d'une nuit pleine

de broüillards qui n'eust enfanté que mille querelles , & mille diuisions dant vostre Estat.

O ! combien de tristesse , nous a causé cet esloignement ; & quels regrets n'auions-nous pas de vous retirer des mains de ces Harpies , de ces pauvres Gigots de la Iustice, qui ne demandoient que vostre captiuité , afin de mieux reüssir dans leurs diaboliques entreprises, sans crainte d'une subite opposition , qui peut estre, eust reduitte en fumée tous les conseils, & les funestes deliberations , qu'ils bastissoient trop infidèlement pour la continuation de vos peines , & de cette malheureuse absence , qui nous a rauy pour vn temps, le plus cher objet de nos deliees , & afin de nous oster tout moyen d'effectuer ce que nos inclinations vouloient gagner sans remise, on a vüe d'un perpetuel changement dans cette disgrace, pour mieux accomplir la volonté d'un Cardinal tyran , & l'affranchir d'une crainte, qui estoit son plus familier bourreau. Comme preuoyant , que vostre colere estoit trop bien fondée sur la Iustice , pour ne pas punir seuerement la lascheté , & ses tromperies trop manifestes.

Il a donc eü raison , apres auoir esté banny comme le plus abominable voleur qui fust iamais, de s'esloigner promptement de vos yeux, parce qu'il n'ignoroit pas, que de vostre deliurance, il deuoit infalliblement conclure son depart , & que les prieres d'un si grand peuple souhaitans sans fin la presence de trois Princes si considerables , il deuoit par consequent donner à sa fuite la charge de son salut.

C'a donc esté le beau iour qui a chassé cette malheureuse nuit, ce sont ces trois flambeaux de ce beau Ciel de la France, qui par vne renaissance non commune ont dissipé tous les tenebres de la France mourante. Et vous auguste , & venerable Parlement , apres tant de veilles , tant de consultations , tant d'assemblees si profitables à l'Estat , vous auez enfin chassé cette contagion qui menaçoit de mettre tout en discorde , & non contens d'exiler ce monstre insatiable , pour appaiser les murmures d'un peuple irrité, vous ramenés dans Paris la paix, & la concorde , vous luy rendez ses Princes , vous accomplissez ses vœux. Enfin vous y faictes renaistre vn Ciel nouveau qui ne s'obscurcira iamais , tant que vous serez de son party.

Craindrons-nous donc deormais que ces ames brutales, de qui la sagesse n'est que folie, la Prudence que temerité, l'Amour, que haine, d'une precipitation toute furieuse, viennent à se desgorger de nouveau, dans le sein de nos canipagnes, pour y enseuelir, & l'obier de nos esperances, & l'vnique fondement de nos fortunes, si le bras de la Iustice, qui estend si tost, si loing, & sa force, & son autorité, que si nous iettons la veuë sur la Maiesté de vos trois Princes, France, qu'avez-vous à trembler, Paris, que vous s'est de craindre, vne si legere disgrâce, lors que vous considerez vostre peuple tousiours sous les armes, parce que tousiours tres-geneux.

Et le voyez plus satisfait des soins, & des veilles, qu'il prend pour la conseruation de son Roy tres-Chrestien, que de quelque affliction, qui peut iournellement succeder aux maux, pour lesquels vous compatissez aussi bien que luy. N'ignorant pas que si la blessure est grande, vous vous en sentirez dauantage, que d'un autre costé, si le plaisir est grand, vous en serez le premier participant, & comme legitimé heritier de la bonne ou mauuaise fortune, qui se peut aisement communiquer à vn grand party, vous serez le plus heureux, ou le plus malheureux du monde.

Mais que dis-je, mal-heureux? non, non, le mauuais destin vous a quitté, Paris, le mauuaise fortune vous a abandonnée, le Sicilien ne se chargera plus du lourd fardeau de la France. Les fureurs ont cédé la place. Le mauuais Genie de l'Estat n'a pas reüssi, nos Princes ont la victoire. Paris, vous aurez le dessus, est ce estre mal-heureux que d'estre affranchy des vns, & posseder les autres.

Ouy, c'est vn bon-heur de n'estre plus sous la conduire d'un si mauuais Ministre, qui fait son profit, & bastit ses aduantages de toutes les rencontres, sans communiquer vne partie de ses fortunes à ceux-là mesme qu'il deuoit rendre les plus heureux.

Ouy, c'est vn grand bon-heur, de posseder, & ce que l'on desire, & ce qu'on ayme. France, vous en iouyssiez & voulez-vous encore vn surcroist de faueurs plus eminent, vos desirs sont-ils encore logez à l'Esperance.

Paris aspirez-vous à aucune grace plus particuliere? deman-

dez-vous la paix, ne la cherchez pas dauantage: elle vous est toute acquise, elle a pris renaissance avec celle de nos Princes. Elle est hors de prison elle ne marche plus dans les tenebres, enfin le Ciel touché par tant de prieres & de gemissemens, la fera descendre sur vos terres, comme vne manne toute celeste, pour y renouueler son siecle doré, pour y rebastir son domicile, qui auoit esté battu en ruine par vne armée de fureurs, & par la fatale conioncture, d'vne si funeste saison. Nostre glorieux Monarque la receura dans son Palais toute brillante de gloire, nos Princes nous maintiendront par leurs bien-veillances continuelles: Et vous Auguste Parlement, qui n'inclinez qu'à des actions toutes Heroïques, dont la posterité fera le plus haut sujet de ses admirations, vous la deffendrez par vos Arrests, & l'inuincible Authorité de cette belle Iustice, qui s'est si tost affermie les cœurs, & les affections d'vne si grande Monarchie.

Ne voyons nous pas qu'apres cette desirée Renaissance, le Ciel nous promet des iours plus fauorables: ne voyons nous pas que ce renouueau du Printemps, est extraordinairement paré à l'aduantage dans le petit commencement de son regne. Et vous admirable flambeau du monde, quels rayons ne ietterez vous doresnauant pour fauoriser avec plus de graces, ceux que les tenebres d'vne fascheuse captiuité ont si long temps retiré de vostre presence ne leurs faisans goûter que de legers plaisirs destrampez dans des amertumes insupportables.

Que ferez-vous fureurs & vents de discorde, orages, tempestes, où esperez-vous passer le Carefme, & le reste de l'année, pensez vous reuenir après quelque esmeute, non, non, c'est en vain que vous vsez de poursuittes afin de r'entrer plus facilement en grace, non, non, suiuez vostre maistre, il ne fera rien sans vous, ny vous pareillement sans luy, la fortune de l'un dépend du courage de l'autre, & ce que vous proietterez sera bien affermy par ce puissant genie de fourbes, qu'en assurant sa prosperité, il vous maintiendra tousiours dans vn estat tel que ses malices, & ses inuentions le demandent.

Enfin Paris, belle & illustre demeure de nos Roys, commencez à respirer sous vn siecle plus tranquille, & oubliez toutes les disgraces qui prirent leur naissance dans celle d'un Cardinal tyran, & qui fuiront aussi-tost dans celles de nos

Princes. Ne songez plus à ces desordres passez, de peur que l'obiet de tant de maux qui ne cessent iamais d'augmenter vos souffrances, ne vous excite à ietter plus de larmes, & à continuer le violent excez de vos peines.

France vous ne serez plus gouvernée à la Mazarine, vostre Paix ne sera point Sicilienne, & par consequent sujette à mille changemens insupportables.

Peuples vous rendrez des graces immortelles à ce bon Parlement, Auguste & invincible protecteur de la Couronne, qui faisant renaistre ces trois Princes, & redonnant à l'Estat cette lumiere Eclipsée pour vn temps, vous redonne aussi tost, & l'honneur qu'on taschoit de vous oster, & les biens que la tyrannie d'un mauuais Ministre vous rauissoit, & la vie que vous eussiez perduë, si la fuitte de l'un n'eust effectué la presence de l'autre, presence si considerable, & auantageuse, que vous n'eussiez peu promettre à vos Nepueux que du mal-heur, & de la fatalité. Si d'un Havre & non pas de Grace, mais de misere, ils ne fussent retournez à celui de bon-heur, & de prosperité.

Compagnies puis qu'au moins vous ne pouuez reparer les pertes & les degats que les cruautez d'un monstre Sicilien a causés sur vos terres, preparez-vous à la Reception d'une belle nouveauté, qui sera doresnauant le seul eclat & l'unique gloire de la France renaissante.

Iouyſſez donc, iouyſſez, ô trois fois heureux Princes de la liberté, que nous auons tant de fois demandé au Ciel par vne fuitte de prieres que la faueur & la bonté d'un Monarque tres-puissant vous a signifiée, que la Iustice d'un Parlement n'a cessé de souhaitter comme vne renaissance d'un Sang Royal, qui ne pouuoit pas dauantage estre enfermé dans vne prison sans donner des marques de sa force, & de son courage, viuerons; concourez à la commune inclination d'une paix aduantageuse à l'Estat & nous en iouyrans, & nous immortaliserons à iamais cette belle iustice qui nous affranchira des mains d'un tyran, pour mettre la France dans vn bon estat d'union, de concorde, & de prosperité.

